

方氏族譜

卷上

方氏族譜

庚午孟冬烈山方友義署

方氏族譜序

余與子純方君同門友也詣其家覽其譜系源
流由莆居同蓋四百年於此矣復自流溯源則
金紫光祿大夫建範公起家於莆篤生六子俱
登甲第並列鴈行水部員外郎曰仁逸秘書省
少監曰仁岳著作郎曰仁瑞大理寺司直曰仁
遜禮部郎中曰仁載秘書正字曰仁遠號為六
桂分為六房方君子純則第五桂仁載公裔也
繼此以下十三世皆都通顯膺駿秩為忠為

孝列郡志祀名宦戴仕策昭々可考而居同之
初祖則十二世之應孫公十三世之元翁公始父子
相繼勤王父以鄉進士官建功郎子勅授諫議大
夫今列嶼之封塋與夫人徐氏合塋前有華表
基址週圍有祭地百餘廂是其遺蹟云昔子純初
爵知於大師相張老夫子大開宴會堂上懸科第
錄壹幅其中捷黃甲者一百餘人登仕籍者三百
餘人或以政聲聞或以德望著或以文章傳或
以名節顯猗歟盛哉其若是乎而子純反以不能

絕祖武對此增愧赧焉祇以譜之總譜統載六桂
各房之世孫同之家譜脩載第五桂一房之世孫
故因繁就簡由遠思近自錄爲己派鰲洋一譜予
以憲誼所關爰憑所知而爲之序云

賜進士出身欽點翰林院庶吉士年家憲弟許琰頓首拜撰

方氏族譜序

嘗讀孝經一書有曰立身行道揚名後世吾方在
莆自金紫光祿大夫廷範公始上而三代下而六
子皆登甲第而列朝端維時六子號爲六桂分爲

六房雲初蕃熾歷寒暑學術之炳彪科名仕
進之光顯忠節勛猷之騰煜垂史冊祀鄉賢立
身行道揚名後世之人攬指難數然此自六桂各房
而言之也而第五桂禮部郎中仁載為本房二世祖
光祿卿偃公為本房三世祖都官郎中慎從公為本
房四世祖平海軍僉判正臣公為本房五世祖通直
郎溫恭公為本房六世祖繼至七世八世曰祐公中公
一為承事郎一為宣義郎九世十世曰萬公通公一
為和劑院一為脩職郎十一世十二世曰大鈞公應孫

公一爲四門助教一爲迪功郎十三世諫議大夫元翁
公則居同之始祖也是皆世世翺聯接踵立身行道
著奇功樹偉績或列名臣傳或祀惠德祠不特以
科第揚世已也其也不才不能綰半通之綬終老牖
下上愧祖功宗德下負兄心毋忘念及繼述無一足
慰者因思家有譜乘猶國有史牒也以揚慶曹以
稽統承所關匪少矣莆之大譜合六桂而沿流究
源如大川三百支川三千同出於崑崙之墟仕宦數
百而昭穆之數不止數萬即同之譜以五桂禮部郎

中仁載公五世孫承事郎祐公爲同居之共祖祐公
三世孫文林郎士端公今之居萬家村下方塘邊是
其友也祐公三世孫中憲大夫達公今之居大宅
六世孫諫議大夫元翁公今之居烈喫小崎趙厝前
厝大路尾洋頭下溪東山是其裔也昭穆之數亦不
止數千甫譜固繁而同譜亦繁夫人情少則易親
多則易疎揆之於心誠有未安者爰以已意白諸族
人以謂予既不能立身行道揚名後世而敦宗睦
族之務亦闕焉未講况今老矣無能爲也不勝對

祖先而慚怒靡已哉弟君待姪孫伯璣起而前曰
無庸慮此家施有政是亦爲政子弟代勞分固應
爾於是就近地子姓另立爲鰲洋一譜簡易易知
祖考妣之生死年月墳塚之何地何向瞭若指掌持
此譜而與同之數千人對而昭穆不紊且持此譜而
與莆之數萬人對而昭穆亦可無訛則斯譜也不亦
源深而流長也哉倘小子後生有志絕武而能立身
行道揚名後世以先家乘是則予之深望者矣

諫議大夫十五世孫誠其謹識

方氏族譜序

夫譜也莫作之前雖盛不傳莫述之後雖美不彰予覽葦全譜其作述固昭昭可考也昉自宗進士出身宗政寶謨閣學士信儒公著攷著辨戊辰進士出身寶謨閣學士尚書郎謚忠惠諱大琮公作宗圖越元百餘年至治辛酉清素諱旦公印譜迄明七十二年洪武辛未進士杜齋士生公作敬宗錄菊叟太醫院判諱橘生公著譜系揣軒沱公脩六房宦譜院旌善士祀鄉賢諱璣公纂脩譜

稿鄉進士教授諱維翰公作宗支嗣是英賢輩
出漸次脩成鄉進士教授諱永公作祖德歌進士出
身刑部尚書郎諱良永公續脩族譜作世忠祠記
進士出身太常寺卿諱公權公作族譜後序翰林
院督學雲南兵部侍郎太宰諱猷夫公暨進士出
身禮部尚書諱一蘭公脩作烏石墓記進士出身參
政使司諱寬公脩譜作序進士出身布政使司諱
端公作固始泠畧進士諱重杰公作方氏青雲喬
木圖督學雲南按察使司諱沆公作科第錄歲

進士諱人隆公作八惠臣歌維時譜成群公名鄉屬
望焉工部尚書劉克壯烏山林環福建學憲邵銳
監察御史陳傑翰林院學士宋濂進士出身東里
黃樞布政使司鄭岳各紆佳章譜序以光吾方焉厥
後明季孫枝盛茂文物丕振不有續譜則知光於前
未知裕於後也幸萬歷間翰林院庶吉士工科給事中
諱萬有公尊祖敬宗復勞輯續凡同祖支分或居他
鄉他省他縣他郡跋涉彙輯條刊註晰數十春秋始
成大集所謂作者難述者更難也繼以子兩登貢元

教授諱應俶公續系譜刊部尚書郎諱尚祖公增編
印本頒示親親之義昭于子姓是以同本支流雖居不
同地而邂逅坐論遂以骨肉相視則大成之譜所致厥功
匪淺也繼本朝康熙辛未進士監察御史諱元會公重
脩譜牒上循舊載下頒昭穆至仕字司鐫刻頒示是
進士諱言公輯刻科仕錄文苑列元亨利貞四卷行世
內閣大學士厚菴李先生督學使者林麟煊翰林院
庶吉士陳汝咸作序則上下千百年血脉流通精神
文墨無一遺憾矣念雖在五六十年之間我輩鉅

未復到地修輯而昭穆可以共喻似無庸續脩然支分
派別生齒日繁死生仕績不一而盡不有復脩則後日
有志宗乘或茫焉遺漏夫亦心尊祖敬宗者之憾也
故自雍正以前我派洋頭惟紹公下溪正燠公脩本派
譜雍正以後名宦裔孫邑庠生克膺公暨我兄郡庠
生號衡齋諱誠其字子純就共祖分居下方塘造吳塘
烈與趙厝前厝我大路美洋頭下溪東山大宅諸派彙
脩名曰錄同大譜中就各房長幼排序上標住地處所
頒以衍述輝基錄滋榮耀均銓十字取五行相生之義

通行同派之方上就莆譜仕字作衍字起下至十世使所
居異地不至途人相視以年貌稱伯仲厥功亦云大矣
通年以來始成卷帙翰林院庶吉士許琰與吾兄子純
有同憲之誼覽其譜牒爰序於譜端焉是譜也前後
作述瞭若指掌豈容小子後生參末議哉獨是莆譜
同譜披閱繁多難以徧覽且其中生死年月墳墓坐
向畧焉而無備無以起孝子順孫感激哀慕之情此吾
兄子純所不滿者此也歲孟春命予及姪孫伯璣就
本派大路美洋頭交流及大宅集爲一譜予曰攝櫟

櫟庸材無所表見弗敢齒及家乘以取僭竊之罪但
奉長兄之命服勞固其分耳於是忘不肖殫心勞形
就舊所以載及所未脩者查詢稽察闕疑傳信抄輯
詳填表生平高德行尊閨門懿範節孝循世代之
序照十字之頒惜寸陰繼篝燈閱更寒暑而始成以
是知簡者且如是難則前此諸公之脩作大譜賜胃
不知如何腐矣譜成與姪孫還命吾兄子純曰是吾
志也以垂不朽俾小子後生有志觀感思絕祖武其
所裨匪少也今予凜稽諸祖作述至意序其爵秩

名字非欲以譜重乎人人當思所以重乎譜斯意得矣
諫議大夫十五世孫君待重修謹識

本派宗譜序

竊惟人本乎祖葉茂由根顧瞻宗派一體共敦
故尊祖敬宗以親族俾前人之德業聞望不至
或湮或泯昭穆不至或紊祖妣墳塋不至沿
久遺亡皆家乘紀載之力也而莆譜同譜歷世
脩明由來久矣第居隅郡縣或隔里都昭穆之
數不止萬計有慮其繁而難以披閱者溯自十